



REPUBLIKA E SHQIPËRISË
MINISTRIA E DREJTËSISË
MINISTRI

Mr. 1650/6 Prot

25.03.2019

URDHËR

Nr. 226 DATË 25.03.2019

“PËR
MIRATIMIN E KONTRATAVE TË NDIHMËS JURIDIKE TË GARANTUAR NGA
SHTETI”

Në mbështetje të pikës 4, të nenit 102 të Kushtetutës, të pikës 2, të nenit 7 të ligjit nr. 8678, datë 14.05.2001 “Për organizimin dhe funksionimin e Ministrisë së Drejtësisë”, të ndryshuar, dhe të shkronjës “e” dhe “ë”, të nenit 7, të ligjit nr. 111, datë 14.12.2017, “Për ndihmën juridike të garantuar nga shteti”,

URDHËROJ:

1. Miratimin e kontratave TIP të ndihmës juridike të garantuar nga shteti (sipas shtojcave), bashkëlidhur këtij urdhri dhe që janë pjesë përbërëse e tij.

Shtojca I: miraton kontratën tip me organizatat jofitimprurëse për shërbimet e ndihmës juridike parësore, sipas parashikimeve të këtij ligji.

Shtojca II: miraton kontratën tip me avokatët për dhënien e shërbimeve të ndihmës juridike dytësore.

2. Ngarkohen Sekretari i Përgjithshëm në Ministrinë e Drejtësisë dhe Drejtoria e Ndhmës Juridike Falas për ndjekjen dhe zbatimin e këtij urdhri.
3. Ngarkohet Sektori i Arkiv-Protokollit për njoftimin e këtij urdhri.

Ky urdhër hyn në fuqi menjëherë,

MINISTRI

Etilda Gjonaj
Etilda Gjonaj (Salin)



KONTRATË SHËRBIMI
PËR OFRIMIN E NDIHMËS JURIDIKE PARËSORE

E lidhur sot në datë _____ në Tiranë, ndërmjet palëve kontraktuese si më poshtë:

1. *Drejtoria së Ndhmës Juridike*, me adresë: Blv. Zogu I, pranë Ministrisë së Drejtësisë, përfaqësuar nga Drejtori

2. *Organizata Jofitimprurëse* -----, me adresë, përfaqësuar nga:

Palët në këtë kontratë bien dakord si më poshtë:

Neni 1

Baza Ligjore

Kjo kontratë bazohet në Kodin Civil, kreu Kontratat, ligjin nr.111/2017 “Për ndihmën juridike të garantuar nga shteti”, vendimin nr. _____ datë _____ “Për rregullat e autorizimit dhe të përzgjedhjes së ofruesve që ofrojnë ndihmë juridike parësore”.

Neni 2

Objekti

Objekti i kësaj kontrate është ofrimi i shërbimit të ndihmës juridike parësore sipas termave të përcaktuara në këtë kontratë.

Neni 3

Përcaktimi i objektit të shërbimit

Ofruesi i shërbimit do të ofrojë shërbimet për ndihmë juridike që përfshijnë:

- a) Dhënien e informacioneve në lidhje me sistemin ligjor të Republikës së Shqipërisë, aktet normative në fuqi, të drejtat dhe detyrimet e subjekteve të ligjit dhe metodat për ushtrimin e këtyre të drejtave në procesin gjyqësor dhe në atë jashtëgjyqësor;
- b) Dhënien e këshillimit për çështje të ndryshme juridike që nuk janë duke u shqyrtuar nga institucione gjyqësore, ndërmjetësimi ose arbitrazhi;
- c) Dhënien e informacionit dhe këshillimit mbi rregullat dhe procedurat që lidhen me ndërmjetësimin dhe zgjidhjen alternative të mosmarrëveshjeve;

- d) Dhënie e ndihmës në hartimin dhe përpilimin e dokumenteve të nevojshme për të vënë në lëvizje administratën shtetërore ose rastet e DNJ;
- e) Dhënie e ndihmës për të plotësuar dokumentacionin lidhur me kërkesën për ndihmë juridike parësore;
- f) Përfaqësimin përpara organeve administrative;
- g) Dhënie e të gjitha formave të tjera të mbështetjes së nevojshme juridike për sa kohë që çështja nuk është objekt shqyrtimi gjyqësor.

Neni 4

Detyrimet e ofruesit të shërbimit

Ofruesi i shërbimit detyrohet:

- a) Të regjistrojë çdo person që i drejtohet me një kërkesë për ndihmë juridike.
- b) Të ndihmojë kërkuesin e ndihmës juridike që të plotësojë formularin për kërkimin e ndihmës juridike parësore;
- d) Të ofrojë shërbimin e ndihmës juridike me cilësi sipas standardeve të përcaktuara nga
- e) Ministri i Drejtësisë me Udhëzimin Nr... , datë “Për kriteret dhe metodologjinë e vlerësimit të cilësisë në ofrimin e ndihmës juridike”;
- f) Të raportojë një herë në 3 muaj ose me kërkesë të DNJ lidhur me rastet dhe ecuritë e ofrimit të shërbimit të ndihmës juridike, duke i bashkëlidhur edhe dokumentacionin përkatës që provon kryerjen e shërbimeve të ofruara;
- g) Të bashkëpunojë me DNJ për mbikëqyrjen e cilësisë dhe efektivitetit të shërbimit të ofruar përfituesve të ndihmës juridike.
- h) Të respektojë etikën dhe komunikimin me subjektet që u ofron shërbimin klientët e ndihmës juridike për të krijuar një marrëdhënie besimi me ta.
- i) Të kryejë shërbimin e plotë të ndihmës juridike dhe të mos heqë dorë nga ofrimi i shërbimit përveç rasteve të konfliktit të interesit apo për shkaqe të tjera të arsyeshme. Nëse ka shkaqe për mos ofrim ose ndërprerje të shërbimit, ai njofton menjëherë DNJ, e cila merr masa për një ofertues alternativ për çdo rast.

Neni 5
Detyrimet e DNJ

DNJ ka detyrimin që brenda 10 ditëve nga raportimi periodik i ofruesit të shërbimit të shoqëruar me dokumentacionin përkatës të kryejë pagesën e shpërblimit të ofruesit të shërbimit.

Neni 6
Përfundimi i kontratës

1. Kontrata lidhet për një afat 1 (një) vjeçar.
2. Kontrata përfundon para afatit nëse ofruesi i shërbimit heq dorë nga shërbimi. Në këtë rast ai njofton menjëherë DNJ. Të dyja palët kanë detyrimin, që të garantojnë transferimin e kërkesave për ndihmë juridike, të depozituara tashmë pranë organizatës jofitimprurëse që është tërhequr, pranë një tjetër subjekti të autorizuar për të dhënë ndihmë juridike parësore, duke garantuar kështu vazhdimësinë e trajtimit të çështjeve të kërkuësve.
3. Kontrata përfundon para afatit nëse DNJ nuk kryen pagesën pas ofrimit të shërbimit pa shkaqe të arsyeshme.
4. Në rast të mos përmbushjes së detyrimeve do të zbatohen dispozitat e parashikuara në Kodin Civil.

Neni 7
Zgjidhja e mosmarrëveshjeve

Palët do të përpiqen t'i zgjidhin me mirëkuptim të gjitha mosmarrëveshjet që mund të lindin gjatë zbatimit të kësaj kontrate. Nëse kjo nuk është e mundur kompetente për zgjidhjen e mosmarrëveshjeve është Gjykata e Rrethit Gjyqësor Tiranë.

Neni 8
Hyrja në fuqi

Kjo kontratë hyn në fuqi me nënshkrimin e saj.
Kontrat nënshkruhet në 2 (dy) kopje, nga një kopje për secilën palë.

P A L Ë T:
Drejtori i DNJ

Organizata Jofitimprurëse

KONTRATË
PER OFRIMIN E SHËRBIMIT TE NDIHMES JURIDIKE DYTËSORE

Kjo Kontratë për ofrimin e shërbimit të ndihmës juridike dytësore (“**Kontrata**”) lidhet sot në [●], në datë [●], nga dhe ndërmjet palëve si më poshtë:

DREJTORIA E NDIHMËS JURIDIKE FALAS, përfaqëuar nga Z./Znj. _____;
(këtu e më poshtë referuar si “**Kontraktori**”)

Dhe

Z./ZNJ. _____, shtetas _____, lindur më _____, në _____, banues në _____, identifikuar me Letërnjoftimin/Pasaportën me numër personal _____, numër _____; (këtu e më poshtë referuar si “**Ofruesi i Shërbimit**”)

Palët në këtë Kontratë do të referohen veçmas si “Pala” ose së bashku si “Palët”.

NENI 1
OBJEKTI I KONTRATËS

1.1. Objekti i kësaj Kontratë është ofrimi i shërbimit të Ndhmës Juridike Dytësore nga Ofruesi i Shërbimit, në favor të personave që kanë përfutuar sipas një vendimi të formës së prerë të gjykatës kompetente, të drejtën e përfutimit të kësaj ndihme falas, sipas përcaktimeve të Ligjit 111/2017.

NENI 2
HYRJA NE FUQI DHE KOHEZGJATJA

2.1. Kjo Kontratë hyn në fuqi në datën e nënshkrimit të saj nga të dyja Palët dhe është e vlefshme për një afat 1 (një) vjeçar nga data e nënshkrimit, por në çdo rast deri në miratimin e listës së re dhe lidhjes së kontratave të reja.

2.2. Afati i kësaj Kontrate mund të rinovohet me marrëveshje me shkrim mes Palëve.

2.3. Përfundimi i Kontratës 1- vjeçare nuk e pengon ofruesin e shërbimit të përfaqësojë përfituesin deri në zgjidhjen përfundimtare të çështjes, përveç kur ekzistojnë rrethanat për zëvendësimin e tij.

NENI 3
PARIMET E OFRIMIT TE NDIHMES JURIDIKE DYTËSORE

3.1. Dhënia e Ndhmës Juridike Dytësore nga Ofruesi i Shërbimit, bazohet vecanërisht mbi parimet e mëposhtme:

- a) aksesimi i barabartë i individëve në ndihmën juridike;
- b) barazia dhe mosdiskriminimi i individëve që gëzojnë të drejtën për ndihmë juridike;
- c) profesionalizmi në dhënien e shërbimit të ndihmës juridike;
- ç) cilësia, efënca dhe efikasiteti në kosto për shërbimet e ofruara të ndihmës juridike;
- d) ruajtja e konfidencialitetit;
- dh) shmangia dhe parandalimi i konfliktit të interesit;
- e) mbrojtja e të drejtave të personave vulnerabël.

3.2. Përvec sa më sipër, dhënia e ndihmës juridike dytësore nga Ofruesi i Shërbimit bazohet mbi parimet e Kodit Etik të Avokatit.

3.3. Shkelja e parimeve të përcaktuara në këtë nen, përbën shkelje të rëndë të kësaj Kontratë dhe passjell aplikimin e sanksioneve dhe masave disiplinore, sipas parashikimeve të Ligjit për Avokatinë apo çdo ligji tjetër të aplikueshëm.

NENI 4 TARIFA E SHËRBIMIT DHE MENYRA E PAGESES

4.1. Tarifa e ofrimit të Ndhmës Juridike Dytësore nga Ofruesi i Shërbimit, përcaktohet sipas tarifave në Aneksin bashkëlidhur kesaj Kontratë ("Tarifa e Shërbimit").

4.2. Kontraktori do të paguajë Tarifën e Shërbimit, në llogarinë bankare të Ofruesit të Shërbimit me të dhena si më poshtë:

Përfituesi:
Banka:
SEIFT:
IBAN:

NENI 5 DETYRIMET DHE GARANCITE E PALËVE

5.1. Në kuptim të Ligjit 111/2017, shërbimet e Ndhmës Juridike Dytësore që Ofruesi i Shërbimit detyrohet të kryejë, përfshijnë por pa u kufizuar:

- Përpilimi i akteve të nevojshme për të vene në levizje gjykatën, kërkesa, kërkesë pardi ose të cdo kërkesë procedurale që rezulton e nevojshme gjatë procesit gjyqësor;
- Përpilimi i akteve të mbrojtjes, për personat kunder të cileve ka nisur një proces gjyqësor civil apo administrativ;
- Mbledhja dhe përgatitja e dokumentacionit provues;
- Këshillimi mbi procesin gjyqësor civil ose administrativ;
- Përfaqësimi dhe mbrojtja para gjyqësorit në ceshtjet administrative dhe civile;

- Përgatitja e kërkesave ankimore, rekurseve kundër vendimeve gjyqësore, apo arbitrazhit;
- Përgatitjen e cdo lloj kerkese drejtuar cdo gjykate ne Republiken e Shqiperise, perfshire Gjykatën Kushtetuese, si dhe gjykatat ndërkombëtare dhe çdo organizmi në të cilin aderon Republika e Shqipërisë, lidhur me ceshtjen per te cilen ofron Ndhme Juridike Dytësore, ne favor te Perfituesit;
- Përvec sa parashikohet me sipër, Ofruesi i Shërbimit do të kryejë cdo dhe të gjitha veprimet ne permbushje te detyrimeve te percaktuara ne Ligjin per Avokatine, ne kuptim te Ndhmes Juridike Dytësore, ne Ligjin Nr.111.2017 si dhe ne kete Kontratë.

5.2. Ofruesi i Shërbimit deklaron dhe garanton se:

- i. Gëzon të gjitha cilësitë profesionale dhe kualifikimet e nevojshme, për të marrë përsipër detyrimet sipas kësaj Kontratë;
- ii. Do të ofrojë Shërbimet e Ndhmes Juridike Dytësore, me standartet me të larta profesionale si dhe në përputhje me parimet e percaktuara në nenin 3 të kësaj Kontratë;
- iii. Do të veprojë në kohë dhe pa shkaktuar asnjë vonesë në ofrimin e Ndhmes Juridike Dytësore, menjëherë me marrjen e njoftimit nga dhoma vendore e avokatisë, mbi vendimin e gjykatës e cila ka pranuar kërkesën për dhenien e Ndhmes Juridike Dytësore ndaj Perfituesit.
- iv. Nuk do të heqë dorë nga dhenia e Ndhmes Juridike Dytësore, përvec kur janë rastet e heqjes dorë të percaktuara nga Ligji për Avokatine, përfaqësimi por pa u kufizuar në rastin e konfliktit të interesit.
- v. Në cdo rast të detyrimit për të hequr dorë, Ofruesi i Shërbimit do të informojë menjëherë dhomen vendore të avokatisë, me qëllim zëvendesimin e tij. Në këtë rast, Ofruesi i Shërbimit, do të vazhdojë të ofrojë Ndhmen Juridike Dytësore, deri në zëvendesimin e tij, sipas parashikimeve të Ligjit për Avokatine si dhe do të zbatojë cdo dhe të gjitha detyrimet e parashikuara në Ligjin për Avokatine;
- vi. Do të ofrojë Ndhmen Juridike Dytësore në favor të Perfituesit, vetëm kundrejt Tarifës së Shërbimit, pa pasur të drejtën e përfitimeve të tjera përvec Tarifës së Shërbimit;
- vii. Do të sigurojë përmbushjen e detyrimeve sipas kësaj Kontratë duke mbajtur të pademtuar Kontraktorin nga cdo veprim i kundërt i tij;
- viii. Do të mbajë kontakte të rregullta dhe të vazhdueshme me Perfituesin, me qëllim informimin e tij të vazhdueshëm mbi ceshtjen për të cilën ofron Ndhmen Juridike Dytësore;
- ix. Do të paraqesë një raport në përfundim të punës, sipas formatit të miratuar nga Ministria e Drejtësisë.

5.3. Kontraktori deklaron dhe garanton se:

- i. Do të paguajë Ofruesit të Shërbimit Tarifën e Shërbimit, pa vonesë, në përputhje me këtë Kontratë.

- ii. Te kryeje cdo dhe te gjitha veprimet dhe te zbatoje cdo detyrim sipas Ligjit 111/2017, per te mundesuar dhenien e Ndhimes Juridike Dytësore ne favor te Perfituesit.

NENI 6

KLAUZOLA ANTI-KORRUPSION

6.1. Në lidhje me kete Kontratë, përvec Tarifës së Shërbimit të parashikuar në Nenin 4 më sipër, Ofruesi i Shërbimit nuk do të përfitojë, kërkoje apo pranoje, nga Përfituesi apo palë të tjera te perfshira ne konflikt me te, asnje pagese, premtim per pagese, perfitim, dhurate apo shperblim, drejtperdrejte apo ne menyre te terthorte.

6.2. Përvec sa me sipër, Ofruesi i Shërbimit nuk do të ofrojë, apo të premtojë, vete apo nëpërmjet personave të trete, në favor te Palëve apo subjekteve të përfshira në procesin gjyqësor, ku Ofruesi i Shërbimit jep Ndhimë Juridike Dytësore, asnjë pagesë, përfitim, dhuratë apo shpërblim.

6.3. Cdo shkelje e parashikimeve sipas paragrafeve 6.1. dhe 6.2. me sipër, do te perbeje veper penale ne kuptim te legjislacionit penal ne fuqi dhe Ofruesi i Shërbimit, do te jete subjekt procedimi sipas legjislacionit procedural penal dhe subjekt i procedimit etik, sipas legjislacionit per profesionin e avokatit.

NENI 7

KONTRAKTUESI I PAVARUAR

7.1. Palët e kësaj Kontrate bien dakort që Ofruesi i Shërbimit është kontraktues i pavaruar në raport me Kontraktorin dhe për asnjë arsye ose shkak nuk do të konsiderohet si punëmarrës i tij.

NENI 8

PARIMI I MIREBESIMIT DHE KONFIDENCIALITETI

8.1. Palët nuk do të dëmtojnë interesat e njëra – tjetrës, reputacionin dhe imazhin. Ato do të veprojnë në mirëbesim ndaj njëra – tjetrës dhe do te respektojne te drejtat dhe detyrimet e percaktuara nga kjo Kontratë, ligji dhe konventat nderkombetare.

8.2. Palët do te veprojne ne mirebesim, duke kryer cdo dhe te gjitha veprimet e nevojshme, per mbrojtjen e interesave te ligjshem të seciles Palë.

8.3. Palët jane te detyruar te mbajne rreptesisht konfidenciale kete Kontratë, permbajtjen e saj, te dhenat personale respektive si dhe cdo te dhene tjeter pa asnje kufizim.

8.4. Asnjë prej Palëve nuk do të konsiderohet se është në shkelje të këtij detyrimi nëse përhapja apo transferimi i informacioneve e te dhenave te mesiperme buron nga nje detyrim ligjor duke perfshire por pa u kufizuar ne permbushjen e detyrimeve te vendosura nga Ligji nr. 9887 date 10.03.2008 “Per

mbrojtjen e te dhenave personale”, legjislacioni tatimor në fuqi në Republikën e Shqipërisë apo nga vendimet dhe urdhrat e Prokurorisë apo Gjykatave.

NENI 9 PËRFUNDIMI I KONTRATËS

- 9.1. Kjo Kontratë përfundon rregullisht në datën e përcaktuar në Nenin 2 më sipër.
- 9.2. Kontraktori mund të zgjidhë menjëherë këtë Kontratë, në rast se Ofruesi i Shërbimit shkel ndonjë prej detyrimeve të parashikuara në këtë Kontratë, apo në Ligjin 111/2017.
- 9.3. Ofruesi i Shërbimit mund të zgjidhë këtë Kontratë, duke njoftuar paraprakisht dhomën vendore të avokatisë. Në këtë rast, Ofruesi i Shërbimit, do të vazhdojë të ofrojë Ndihmë Juridike Dytësore ndaj Përfituesit deri në zëvendësimin e tij nga dhoma vendore e avokatisë.

NENI 10 TE NDRYSHME

- 10.1. Kjo Kontratë përbën të gjithë marrëveshjen dhe mirëkuptimin mes Palëve dhe shfuqizon cdo marrëveshje tjetër të mëparshme ndërmjet Palëve në lidhje me objektin e saj.
- 10.2. Asnjë ndryshim, modifikim, përfundim, heqje dore nga cdo pikë e kësaj Kontratë nuk do të ketë efekt nëse nuk është me shkrim dhe e nënshkruar nga të dy Palët.
- 10.3. Mosushtrimi apo vonesa në ushtrimin e një të drejte ose dëmshpërblimi të përcaktuar në këtë Marrëveshje ose në ligj nuk përbën heqje dorë nga e drejta ose dëmshpërblimi, apo heqje dorë nga të drejta ose dëmshpërblime të tjera. Asnjë ushtrim pjesor apo i plotë i së drejtës ose dëmshpërblimit të parashikuar në këtë Kontratë, nuk ndalon ushtrimin e mëtejshëm të së drejtave ose dëmshpërblimeve të tjera.
- 10.4. Kjo Kontratë do të rregullohet dhe interpretohet në përputhje me Legjislacionin e Republikës së Shqipërisë.
- 10.5. Palët do të përpiqen t'i zgjidhin me mirëkuptim të gjitha mosmarrëveshjet që mund të lindin gjatë zbatimit të kontratës. Nëse kjo nuk është e mundur, juridiksioni kompetent për zgjidhjen e mosmarrëveshjeve që burojnë nga ekzekutimi i kësaj Kontrate është Gjykata e Rrethit Gjyqësor Tiranë.

PALËT

KONTRAKTORI
DREJTORIA E NDIHMES JURIDIKE FALAS

Përfaqësuar nga:

OFRUESI I SHËRBIMIT